



EaP | Eastern
Partnership



ՀԱՄԱՊԱՐՓԱԿ ԵՎ ԸՆԴՀԱՅՆՎԱԾ
ԳՈՐԾԸՆԿԵՐՈՒԹՅԱՆ
ՀԱՄԱՁԱՅՆԱԳԻՐ ԵՎՐՈՊԱԿԱՆ
ՄԻՈՒԹՅԱՆ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՄԻՋԵՎ (ՀԸԳՀ)

ՆՈՐ ՀԱՄԱՁԱՅՆԱԳԻՐԸ ՍԱՀՄԱՆՈՒՄ Ե ՀԱՅԱՍՏԱՆԻ ԲԱՂԱՔԱՑԻՆԵՐԻՆ Ի ՆՊԱՍՏ ՀԱՅԱՍՏԱՆԻ ԵՎ ԵՎՐՈՊԱԿԱՆ ՄԻՈՒԹՅԱՆ ՄԻՋԵՎ ՀԱՄԱԳՈՐԾԱԿՑՈՒԹՅԱՆ ՇՐՋԱՆԱԿ



1. ՆՈՐ ԱՇԽԱՏԱՏԵՂԵՐԻ ՍՏԵՂԾՈՒՄ

✓ **Ներդրումային միջավայրի բարելավում.** Համաձայնագրով նախատեսվում է օրենսդրական դաշտի կատարելագործում, որի շնորհիվ կբարելավվի՝ Հայաստանի եւ Եվրոպական միության ընկերությունների համար առկա գործարար միջավայրն ու ներդրումային հնարավորությունները՝ խթան դառնալով հայկական ընկերությունների կողմից Եվրոպական միությանը վաճառվող ապրանքների եւ ծառայությունների ծավալների մեծացման համար, ինչպես նաև խրախուսելով ԵՄ ընկերություններին Հայաստանում հիմնել դուստր ձեռնարկություններ, որն էլ իր հերթին կնպաստի տնտեսական աճի խթանմանը եւ աշխատատեղերի ստեղծմանը:

✓ **Նոր աշխատատեղեր կանաչ էներգիայի ոլորտում.** Համաձայնագրի իրականացման ընթացքում կստեղծվեն էներգիայի մաքուր, այլընտրանքային աղբյուրներ՝ նպաստելով կանաչ աճին եւ կանաչ (վերականգնվող) էներգիայի ոլորտում Նոր աշխատատեղերի ստեղծմանը:



2. ԲԻԶՆԵՍԻ ՆՈՐ ՀԵՈՒՆԿԱՐՆԵՐ

✓ **Բիզնեսին՝ ավելի կայուն եւ կանխատեսելի պայմաններ:** Եվրոպական միության եւ Հայաստանի միջեւ հարաբերությունները կդեկլարվեն ԵՄ-ն եւ միջազգային չափանիշներին համահունչ՝ ապահովելով բիզնես միջավայրի կանխատեսելիությունն ու կայունությունը: Նոր համաձայնագրի դրույթներին համաձայն՝ փոքր եւ միջին ձեռնարկություններին (ՓՄՁ) պետք է տրամադրվի ՀՀԳՀ իրականացման մասին տեղեկատվություն և խորհրդատվություն, որը կնպաստի մասնավոր հատվածին վերաբերող օրենսդրության թափանցիկության բարձրացմանը:

✓ **Ծառայությունների առևտրի ընդլայնման Նոր հեռանկարներ:** Նոր համաձայնագիրը նախատեսում է երկկողմ առևտրի ազատականացում ծառայությունների մատուցման ոլորտում, օրինակ՝ վարձակալության և լիզինգի ծառայությունների, խորհրդատվական, ինժեներական, լուսանկարչական, փաթեթավորման, փոստային, ֆինանսական եւ տրանսպորտային ծառայությունների մատուցման համար: Սա նշանակում է, որ հայկական ընկերություններն իրավունք կունենան ծառայություններ մատուցել ԵՄ-ում եւ հակառակը:

✓ **Գնումների շուկաների հիմնում:** Հայ գործարարները կկարողանան մասնակցել ԵՄ-ում իրականացվող պետական գնումներին եւ հակառակը: Կտրամադրվեն լրացուցիչ աշխատանքային փոխադարձ թույլտվություններ՝ ինչպես

օրինակ ջրամատակարարման եւ հանրային ծառայությունների մատուցման այլ ոլորտներում:



3. ԱՎԵԼԻ ԱՐԴԱՐ ԿԱՐԳԱՎՈՐՈՒՄՆԵՐ

✓ **Մտավոր սեփականության իրավունքի պաշտպանության հզոր համակարգ.** Նորարար ստեղծագործություններ, գեղարվեստական գործեր, յուրահատուկ եւ բարձրորակ արտադրություն ստեղծող եւ վաճառող ավելի շատ հայ նկարիչներ ու գյուտարարներ, ինչպես նաեւ հայկական ընկերություններ կարող են ապավինել Հայաստանում մտավոր սեփականության իրավունքի պաշտպանության համակարգին, ճիշտ ինչպես Եվրոպական միության տարածքում:

✓ **Մրցակցային սկզբունքների համապատասխանություն.** Հայաստանում գործող ընկերությունները պարտավորված կլինեն հարգել հիմնական մրցակցային սկզբունքները, որոնք գործում են Եվրոպայում, այն է՝ բացառել գերիշխող դիրքի չարաշահման երևույթը և ձեռնարկությունների միջեւ համաձայնությունները, որոնք խոչընդոտում են մրցակցությանը:

✓ **Անկախ մրցակցային մարմին:** Մրցութային գործընթացները իրականացնելի պետք է հարգվեն հայ եւ Եվրոպական ընկերությունների իրավունքները, ինչպես նաեւ նրանք կկարողանան վստահորեն դիմել անկախ գործառույթ իրականացնող մրցակցային մարմնին՝ մրցակցային օրենսդրության կիրարկումն ապահովելու պահանջով:

✓ **Պետական գնումների թափանցիկության բարձրացում:** Նոր կարգավորումների շնորհիվ կապահովվի պետական գնումների գործընթացների թափանցիկության բարձրացումը:

✓ **Աշխատանքի ավելի արդար պայմաններ:** Համաձայնագիրը հետամուտ կլինի Հայաստանում աշխատողների աշխատանքային ստանդարտների ապահովմանը, այդ թվում՝ աշխատանքային պայմանագրերի, աշխատանքային առողջ պայմանների ապահովմանը, միավորման ազատության իրավունքի եւ աշխատավայրում խտրական դրսևորումների դեմ պաշտպանության մակարդակի բարձրացմանը:



4. ՄԻՋՈՑՆԵՐԻ ԱՐԴՅՈՒՆԱՎԵՏՈՒԹՅԱՆ ԲԱՐՁՐԱՑՈՒՄ

✓ **Հարկատուների միջոցների առավել արդյունավետ օգտագործում.** Նոր Համաձայնագրով ամրագրվում են մրցույթների հրապարակման եւ վերանայման ընթացակարգերի հստակ կարգավորումներ, որոնք թույլ կտան

կանխարգելել կոռուպցիան և իրականացնել խտրական մոտեցումներից զերծ պետական գնումներ: Կմշակվեն պետական սուբսիդավորման նոր կարգավորումներ՝ գործընթացների արդարությունն ու թափանցիկությունը ապահովելու նպատակով:

✓ **Ավելի մատչելի եներգիա.** Համաձայնագիրը ներառում է դրույթներ, որոնք բարձրացնում են էլեկտրաէներգիայի ոլորտի մրցակցությունը, որն էլ հանդիսանում է Հայաստանի քաղաքացիներին էլեկտրաէներգիայի մատակարարման ապահով և մատչելի եղանակներից առավել տնտեսողը: Շուկայի ազատականացումն ունի էլեկտրաէներգիայի ցածր գինը հսկողության տակ պահելու և հայ սպառողների համար էլեկտրաէներգիայի դիմաց ցածր գներ ապահովելու ներուժ:

✓ **Սպառողներին՝ ավելի լայն ընտրություն և գների իջեցում:** Համաձայնագիրը ներառում է առևտրի համար ոչ անհրաժեշտ խոջընդոտների նվազեցմանն ուղղված միջոցառումներ: Օրինակ, սպառողական ապրանքների վրա ազդող կարգավորումների վերաբերյալ հանրային խորհրդակցությունները կտարածվեն մյուս կողմը ներկայացնող ընկերությունների վրա, ինչպես նաև պիտակավորման բարդ պահանջները կհանվեն: Արդյունքում ավելի շատ ընկերություններ կկարողանան իրենց արտադրանքը ներկայացնել հայկական և ԵՄ շուկաներում՝ ապահովելով մրցունակ գներ:



5. ԱՆՎՏԱՆԳՈՒԹՅԱՆ ՄԱԿԱՐԴԱԿԻ ԲԱՐՁՐԱՑՈՒՄ

✓ **Միջուկային անվտանգության բարելավում.** Այս համաձայնագրով՝ ԵՄ-ն հաստատում է հանձնառությունը Հայաստանի միջուկային անվտանգության բարձրագույն մակարդակի ապահովմանը՝ համագործությանն ուղղված հստակ միջոցառումների իրականացման միջոցով:

✓ **Ապրանքների անվտանգության բարելավում ու սպառողների պաշտպանվածության բարձրացում:** Հայաստանը հետամուտ կլինի ԵՄ՝ չափանիշների հետ առկա տարբերությունների նվազեցմանը՝ ի նպաստ սպառողների առողջության և անվտանգության հետագա պաշտպանությանը: ԵՄ-ն և Հայաստանը կխորացնեն համագործակցությունը համապատասխան համակարգերի միջև փոխադարձ ըմբռնման մակարդակի բարձրացման և շուկաների մատչելիության բարձրացման ուղղությամբ:

✓ **Հանցավորության դեմ պայքարում համագործակցությունը խորանում է:** Նոր համաձայնագիրը նախատեսում է ԵՄ-ի և Հայաստանի միջև համագործակցության հզորացում՝ ինքնագործությունների կանխարգելման և դրանց դեմ պայքարի, այդ թվում կազմակերպված հանցավորության և ահաբեկչության դեմ պայքարի ուղղությամբ:



6. ԱՎԵԼԻ ՄԱՔՈՒՐ ՇՐՋԱԿԱ ՄԻՋԱՎԱՅՐ

✓ **Քնապահպանական չափանիշների բարելավում.** Համաձայնագիրը կօգնի Հայաստանին գրանցել տնտեսական աճ և միաժամանակ՝ ԵՄ չափանիշների ընդունման շնորհիվ բարելավել շրջակա միջավայրը: Հայաստանի

կողմից կընդունվեն և կիրականացվեն միջազգային չափանիշներին և համաձայնագրերի պահանջներին համապատասխանող՝ շրջակա միջավայրի պաշտպանությանն ուղղված միջոցառումներ: Հայաստանը կձգտի հանել առևտրի խոջընդոտները կլիմայի փոփոխության մեղմացման համար կարևոր նշանակություն ունեցող ապրանքների և ծառայությունների՝ մասնավորապես՝ կայուն վերականգնվող էներգիայի և էներգախնայող արտադրանքի նկատմամբ: ԵՄ-ն և Հայաստանը կհամագործակցեն բնական ռեսուրսների կայուն օգտագործման մակարդակի բարձրացման և կենսաբազմազանության պահպանման ուղղությամբ:

✓ Համաձայնագրի իրականացումը նոր խթան կհանդիսանա **էներգիայի մաքուր աղբյուրների** զարգացման համար: Այն նաև կբարձրացնի մատակարարման անվտանգության մակարդակը և կնվազեցնի կախվածությունը էներգետիկ ներկրումներից:



7. ԿՐԹՈՒԹՅԱՆ ԿԱՏԱՐԵԼԱԳՈՐԾՈՒՄ ԵՒ ԳԻՏԱԳԵՏԱԶՈՏԱԿԱՆ ՀՆԱՐԱՎՈՐՈՒԹՅՈՒՆՆԵՐԻ ԸՆԴԱՄՆՈՒՄ

✓ **Հայկական համալսարանները** եվրոպական այլ համալսարանների հետ միասին կմասնակցեն գիտահետազոտական ծրագրերին ԵՄ հետազոտությունների և նորարարությունների խոշորագույն՝ ՀՈՐԻԶՈՆ 2020 ծրագրի ներքո: Ծրագրի ընդհանուր ֆինանսավորումը 2014-2020 թվականների համար կազմում է մոտ 80 միլիարդ եվրո: Միաժամանակ Հայկական համալսարանները կմասնակցեն EU4Innovation նախաձեռնությանը, որն ուղղակիորեն կապ ունի նորարարական ՓՄՁ-ների զարգացման հետ:

✓ ԵՄ-ն ավելացնի ուսուցումն ու Հայաստանում **կրթության որակի բարձրացմանն ուղղված** խորհրդատվության ծավալները:



8. ԺՈՂՈՎՐԴԱՎԱՐՈՒԹՅԱՆ ԵՎ ՄԱՐԴՈՒ ԻՐԱՎՈՒՆՔՆԵՐԻ ԱՄՐԱՊԼՈՒՄ

✓ Զաղաքացիները համաձայնագրից կարող են ակնկալել, որ Հայաստանի ու Եվրամիության կողմից ավելի կմեծանա ուշադրությունը ժողովրդավարության անկյունքաքարային ուղղությունների նկատմամբ, որոնցից են **ազատ և արդար ընտրությունների** իրականացումը, **արդար դատավարության** իրավունքը և, ավելի լայն իմաստով, **հարգանքը մարդու իրավունքների նկատմամբ:**

✓ Ըստ Համաձայնագրի դրույթների՝ կձևավորվի **Քաղաքացիական հասարակության անկախ պլատֆորմ**, որը բաղկացած կլինի Հայաստանյան և ԵՄ կազմակերպություններից, որոնք մշտադիտարկման կենթարկեն Համաձայնագրի իրականացումը և կկարողանան առաջարկություններ ներկայացնել ՀՀ իշխանություններին և Եվրոպական միությանը:

